

ÁŠŠEČILGEHUS

Vuodđodokumeanta
 Jorgaluvvon dokumeanta

Vuorkááššennr. 2017/3264-2	Vuorká: M00	Áššemeannudeaddji: Sindre Murud	Dáhton: 21.11.2017
Lávd.áššennr.	Lávdegoddi:	Čoahkkindáhton:	
	Ovdagotti mearrádusevttohančoahkkin		
	Suohkanstivra		

REVIDEREJUVVON STANDÁRDA DOALLANEAVTTUT ČÁZI JA RUFÉ DÁFUS.

Čujuhus lea:

- KS – standárda doallaneavttut čázi ja rufe dáfus, teknihkalaš mearrádušat, Kommuneforlag 2017

Mildosat áššái:

- KS-standárda standárda doallaneavttut čázi ja rufe dáfus, hálddahušlaš mearrádušat, Kommuneforlag 2017

Ášši duogáš:

Kommuneforlaget lea KS bealis dál ráhkadan reviderejuvvon doallaneavttuid maid suohkanat ávžžuhuvvojit dohkkehit.

KS – standárda doallaneavttut čázi ja rufe dáfus lea Kommuneforlag almmuhan KS bealis 2017 ja das leat guokte ulbmila:

- Mearridit makkár eavttuid suohkan, gii eaiggáda almmolaš čáhce- ja ruferusttega ja gii lágida bálvalusaidda, bidjá čanasteapmái ja rusttegiid geavaheapmái.
- Bidjat gáibádusaidda aktevrraide (bohcebidjjet ja entreprenevrat) vuoi sihkkarastte duhtadeaddji barggu priváhta čáhce- ja ruferusttegiin mat leat čadnon almmolaš nehtii.

Standárda doallaneavttut čázi ja rufe dáfus.

Standárda doallaneavttut čázi ja rufe dáfus leat 2 gihppaga., hálddahušlaš mearrádušat ja teknihkalaš mearrádušat.

Hálddahušlaš mearrádušain leat juridihkalaš ja hálddahušlašbealit gaskkal suohkana, juohke ovttá abonneantta ja bohcebidjjet/entreprenevrra geat leat doaimmaheami barggu. Oassi 1 čužžot láchkavuodut ja váikkuhanguovllut, definišuvnnat ja rihkkun/giehtaguššan. Oassi 2 čilge ohcanrutiinnaid ja čanasteami dohkkeheamiid, oassi 3 čilge geatnegasvuodaid ja ovddasvástádusbeliid go čanasteapmi lea álggahuvvon ja lea doaimmas.

Teknihkalaš mearrádušat mearridit gáibádusaidda teknihkalaš doaimmahemiide priváhta čáhce- ja ruferusttegiin main lea čanus almmolaš nehtii. Mearrádušat váldet vuhtii ja dievasmahttet/konkretiserejit gáibádusaidda mat leat buhtisvuodaruštega ja čáhce- ja

ruferusttega plána- ja huksenlágas oktan gullelaš teknihkalaš lánkaásahusain. Suohkan eaiggáda čáhce- ja rufe váldorusttegiid, dan dihte lea dákkár konkretiseren dárbblaš go galgá vuhtiiváldit suohkana beroštumiid dán ektui.

Ekonomalaš váikkuhusat:

Doallaneavttuid revišuvdna ii buvttte eambo olggosgoluid suohkanii.

Árvvoštallán:

Láhkavuodđu doallaneavttuide

Doallaneavttut leat mearrádušat maid suohkan gii eaiggáda váldorusttega ja juogadanfierpmádaga addá, dan dihte dárkkuhuvvo dát lágidaneaktun. Doallaneavttut bohtet leat oassin šiehtadusbeliin gaskkal suohkana ja juohke ovttá čáhce- ja/dahje rufedolliid.

Dán oktavuodas čujuhuvvo Norsk Vanns database VA-jus, gos advokáhttafitnodat Haavind Vislie AS konkludere ahte suohkanis lea vejolašvuohta mearridit eavttuid čáhce- ja rufebálvalusaide vaikko doalli ii leat mearridan daid. Dolliide ferte muitalit ahte dákkár eavttut leat gávdnamis, ja gos daid oazžu.

Muhtin mearrádušain lea láhkavuodđu earret eará plána- ja huksenlágas ja teknihkalaš lánkaásahusas, muhto de leat ovdanbukton dainna lágiin ahte čieknjuda ja konkretisere.

Váikkuhanguovlu

Doallaneavttut gusket dušše sidjiide geain lea čanus almmolaš čáhce- ja/dahje rufenehttii. Eavttut eai guoskka sidjiide geain lea čanus priváhta rusttegiidda.

Eavttut gustojit ollislaččat buot boahhtevaš dolliide.

Dálá dolliide gustojit buot Hálldahuslaš mearrádušat earret :

- Ohcangeatnegasvuohta dálá rusttegiidda gos eai dahkko mearkkašahtti rievdadusat.

Dálá dolliide bohtet teknihkalaš mearrádušat mat leat čadnon rusttega čuovvuleapmái gustot dušše čuovvovaš čuoggáin:

- Gáibáduš overhøydii gaskkal bajimus váldojođahasa ja vuolemus ruferáiggi, gč.3.5 teknihkalaš mearrádušain.
- Gáibáduš sihkkarastit nuoskideami vuostá vuoi hehtte ahte priváhta jođasnehtas ii golgga almmolaš jođasnehttii, gč čuo. 2.4 teknihkalaš mearrádušain.

Dán guovtti čuoggáin lea mearrádušain máhcciváikkuheaddji fápmu.

Teknihkalaš mearrádušaid fápmu čadnon doaimmahit ja bajásdoallat rusttegiid gusto ollislaččat nu guhká go heive.

Eará mearkkašahtti rievdadusat

Doallieavttut leat dan ođđa reviderejuvvon eambo čielgasat ja čieknjudeaddjit gárvves ovddasvástádušbeliiguin. Eavttut leat maidai oktiiheivehuvvon plána- ja huksenlága doabageavahemiin, ja oktiiheivehuvvon gustovaš lánkaásahusain ja norpmaiguin.

Ovdamuniid oktasaš doallieavttuiguin suohkan-Norggas:

Dát addá eambbo ovdamuniid daidda iešguđet aktevrraide siskkobealde dán suorggi:

- VA-sektor boahťa ovdan eambbo ovtalažžan mas leat seammalágan doallieavttut. Doallit ja doaibmi fitnodagat (bohcebidjjet ja entreprenevrat) dovdet álkibut daid iešguđet suohkaniid, ja mearrádusaid lea álkit bealuštit.
- Ođasmahttojuvvon ja seammalágan doallieavttut addet eambbo rievtttes kvalitehta daid priváhta teknihkalaš installašuvnnain ja muđui bálvalusain.
- Eambbo rašuvnnalaš áššemeannudeapmi ja doaibma, juoga mii berre addit hálbbit rusttega ja bálvalusa.

Dieđut dolliide, bohcebidjjiide ja entreprenevrraide.

Jus mearrádusevttohus dohkkehuvvo dieđihuvvot ođđa doallieavttut báikkálaš aviissain ja suohkana ruovttusiiddus. Lassin boahťa dieđihuvvot ahte reviderejuvvon doallieavttut lea bidjon sisa suohkanlaš divvagiid giroblankehtaide.

Vuoigatvuođat publikašuvdnii *Standárda doallaneavttut čázi ja rufe dáfus* eaiggáda Kommuneforlag, ja dan sáhtta oastit doppe dahje girjegávppis.

Doallieavttut leat maid dai gávdnamis Guovdageainnu suohkana bálvaluskantuvrras ja www.kautokeino.kommune.no.

Mearrádusevttohus:

1. Standárda doallaneavttut čázi ja rufe dáfus, hálldahuslaš mearrádusat ja teknihkalaš mearrádusat. Kommuneforlag 2017 dohkkehuvvojit gustojeaddjin Guovdageainnu suohkanis.
2. Ráđđeolbmái addo váldi addit dispensašuvnnaid doallieavttuin jus leat erenoamáš sivat (vrd. čuo. 1.7 hálldahuslaš mearrádusain). Dán válddi sáhtta delegeret viidáset.
3. Doallieavttut álget doaibmat go mearrádus dahkko.
4. Standárda doallaneavttut čázi ja rufe dáfus, hálldahuslaš mearrádusat ja teknihkalaš mearrádusat 2008 loahpahuvvet go ođđa láchkaásahusat álget doaibmat.